

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 20. Invocatio omnium Sanctorum.

**urn:nbn:de:hbz:466:1-10805**

## §. XX.

## Invocatio omnium Sanctorum.

**S**ancti Dei omnes, cives supernae patriæ, inclinate aures vestras & demittite lumina ad me, meamque orationem exaudiite. Ad vos clamo pauper, nudus, & infirmus, cui omnia defunta ornamenta virtutum: ad vos clamo, & vestram imploro benignitatem; succurrите infirmitati mea, fidem meam & spem roborate, excitate in me igniculum amoris vestri, induite me vestre nuptiali, ornate donis, quibus abundatis, ut sine rubore introire valeam in locum tabernaculi admirabilis, in aulam cœlestis convivii, in conspectu divinae majestatis.

Sancti Patriarchæ & Prophetæ, qui Christum Dominum nostrum dictis prophetaftis, & ardenter desideriis ē cælo ad terram traxistis, hujusque Sacramenti mysteria variis typis & umbbris pæfiguratis, preces fundite pro me, ut ipsum Dei Filium sanctè tractare possum, & prorro corde complecti.

Sancti Apostoli, quos Christus in ultima cena novi Testamenti Sacerdotes creavit, ac primum seipso cibavit, vos supplex exoro, ut vestrā adjutus ope gratiam non negligam per manuum impositionem mihi collatam, sed magno quotidie augeam incremento.

Sancti Martyres, qui Christo Regi pro nobis crucifixo vicem, quam potuisti, vite oblatione per martyrium rependisti, ipsum pro me orate, ut ignem sui amoris accendat in corde meo, quo succensus & purificatus meipsum mactem Deo hostiam vivam & ei placentem; sicut paratus & probatus ad hoc divinum sacrificium accedam.

Sancti Pontifices & Confessores, mysteriorum Dei fidelissimi dispensatores, qui hostiam placationis frequenter pro populo obtulisti; pro me obsecro intercedite, ut meum quod oblaturus sum sacrificium Deo sit acceptabile, mihi que & omnibus, pro quibus illud offeram, propitiabile.

Sancti Monachi & Eremitæ, qui cibo potuque cœlesti saepius refecti pravas concupiscentias, & vitæ hujus pericula superasti, adjuvate me orationibus vestris, ut sacris hisce mysteriis armatus meipsum vincam, & omnes inimicos animæ meæ conteram sub pedibus meis.

Sanctæ Virgines Dœo amabiles, que studio castitatis dignum in vobis Filio Dei habitaculum

præparasti, & nunc in cælo canticum novum concinitis, quod nemo potest dicere, nisi fuerit Virginitatis prærogativâ eximus, impetrare mihi perfectissimam castitatem, quâ corpus & animam in omni puritate contineam, ut Christo Domino, qui pascitur inter lilia, gratum in corde meo exhibeam domicilium.

Sancti mei tutelares N.N. & vos Sancti N.N. quorum hodie memoriam veneramur, vestro confusis patrocinio accedo nunc ad immolandum corpus & sanguinem Jesu Christi Domini nostri, comitamini me euntem ad altare, fulcite meritis vestris, ornate virtutibus, ut hoc sacrificium vivâ fide, ferventi charitate, & plenâ devotione perficiam, perque ejus continuum & salutiferum usum vestro dignus confortio tandem inveniar. Amen.

## CAPUT V.

## De Missæ celebratione.

## §. I.

## De proxima dispositione ad Missam.

Pervulgatum apud sanctos Patres axiomæ est, quod talem se animæ exhibit Deus, quem se illa præparat Deo. Ideò Christus in Eucharistia aliis quidem est fructus vitæ, Panis Angelorum, Manna absconditum, Paradisus deliciarum, ignis consumens, & tertium Cælum, in quo audiuntur arcana verba, quæ non licet homini loqui. Aliis verò est panis insipidus, omni carens dulcedine, & vitali operatione, & paucat anima eorum super cibo isto: quia nimis mors est malis, vita bonis; & sic ut quisque erga Deum affectus est, talem ipsum erga se experitur. Pauci sunt, qui admirabiles hujus sacri convivii in se sentiant effectus, quia pauci sunt, qui se ad illos recipiendos ritè disponant; qui serio cogint, se ad Sancta Sanctorum accedere, ad Altare Dei, ad Deum ipsum. Ideò multi infirmi sunt & imbecilles, & dormiunt multi. Mortem olim summo Sacerdoti minabatur Deus, si ausus fuisset introire in Sancta Sanctorum sine strepitu tintinnabulorum, non radians gemmis, non fulgens auro, omniumque virtutum varietate circumambitus. Quam ergo poenam mereretur novæ Legis Sacerdos, qui non ad Arcanum typicam, sed ad Deum ipsum accedit, ut Filium ejus Dominum Jesum Christum immolet,

Cc tan-